

竹居攷屢

王友方	馮神德	李鼎祚	孫虔禮
王博	程士禹	顏元孫	陳集源
王元宗	王紹宗	劉承慶	李義範
李行敏	謝敬則	熊元逸	楊思儉
韓處元	柳元貞	李仁方	張約
楊思元	馬大師	崔崇業	竇尚義
蔣真胄	李洽	邱神靜	聿懷敬
趙崇素	王思九	劉仁叡	崔道默
崔安都	張松壽	李晦	辛宏亮
崔修業	王元策	徐慶	聿思齊
高藥尚	王思	醒公義	梁孝仁
元大士			

欽定全唐文卷二百二目錄

王友方

對司倉拔薤父老送錢判

馮神德


上釋在道前表

李鼎祚

周易集解序

孫虔禮

王勣書譜



王博

文林郎馮慶墓誌銘

程士禹

上沙門不應拜親表

欽定全唐文卷二百一

王友方

友方高宗朝官吏部郎中

對司倉拔薤父老送錢判

食司之昔滑州刺史初臨人掃第以待司倉乃拔家薤一
以次置於第中刺史入第見之以其饋餉
遂與下考司倉不伏又越州都督更滿將還父
老以錢物追送都督各取大錢一枚廉使訪知
科其贓罪刑部例以爲不當

負海名區攸稱越府濱河大郡爰指滑臺旁連射的之巖
俯帶灑舟之浦戶千人萬實俟廉能露冕褰帷是資寬惠
司倉之置水拔薤方取喻於龐參父老之齎物送錢乃報
恩於劉寵漢陽服其高義耶奚書以清風取之者不以爲
貪置之者無聞於詭詭不累物難以損名貪不汝求詎得
而罪饋餉之理與此全乖廉察之行殆將謬舉賴秋官審
慎宏茲閱實類皆無罪竊謂合宜

馮神德

神德高宗朝官御史

上釋在道前表

臣聞祕教東流因明后而闡化元風西運憑至識以開宗
故知宏濟千門義宣於雅道提誘萬品理塞於邪津只可
隨聖教以抑揚豈得逐人事而興替沙門者求未來之勝
果道士者信有生之自然自然者貴取信真絕其近僞之
迹勝果者意存杜漸遠開趣道之心誘濟源雖不同從善
終歸一致伏惟皇帝陛下包元建極御一飛貞乘大道以
流謙順無爲而下濟因心會物教不肅成今乃定道佛之
尊卑抑沙門之拜伏拜伏有同常禮未是出俗之因尊卑

物我之情豈曰無爲之妙陛下道風攸闡釋教載陳每至齋忌皆令祈福一依經教二者何獨乖違陛下者造化之神宗父母者人子之慈稱陛下以至極之重猶停拜敬之儀所生旣曰人臣何得曲伸情禮捨尊就愛棄重違輕緣情猶尚不通據教若爲行用陛下統天光道順物流形形物尚不許違淨教何宜改作願陛下因天人之志順萬物之心停拜伏之新儀遵尊卑之舊貫庶望金光東曜不雜塵俗之悲紫氣西暉無驚物我之貴卽大道不昧而得相於明時福業永貞庶重彰於聖日謹言

引重致遠蓋取諸隨古者穴居而野處後代聖人易之以
宮室蓋取諸大壯弦木爲弧剡木爲矢弧矢之利以威天
下蓋取諸睽上古結繩爲政後代易之書契百官以理萬
人以察蓋取諸夬故聖人見天下之賾而擬諸形容象其
物宜而觀其會通以行其典禮觸類而長之六十四卦三
百八十四爻天下之能事畢矣其旨遠其辭文其言曲而
中其事肆而隱若夫雜物撰德辯是與非終日乾乾夕惕
若厲無有師保如臨父母自天祐之吉无不利者也至於
損以遠害說以先之定其交而後求安其身而後動履和

而致謙尊而光能說諸心能研諸慮是故君子居則觀其象而玩其辭動則觀其變而玩其占著之德圓而神卦之德方以智探賾索隱鉤深致遠定天下之吉凶成天下之亹亹莫善乎蓍龜神以知來智以藏往將有爲也問之以言其受命也應之如響無有遠邇幽深遂知來物故能窮理盡性利用安身聖人以此洗心退藏於密自然虛室生白吉祥至止坐忘遺照精義入神口僻焉不能言心困焉不能知微妙元通深不可識易有聖人之道四焉斯之謂矣原夫權輿三教鈐鍵九流實開國承家修身之正術也

李鼎祚

資州人開耀時官祕書省著作郎

周易集解序

元氣絪縕三才成象神功浹洽八索成形在天則日月運行潤之以風雨在地則山澤通氣鼓之以雷霆至若近取諸身四支百體合其度遠取諸物森羅萬象備其工陰陽不測之謂神一陰一陽之謂道範圍天地而不過曲成萬物而不遺仁者見之以爲仁知者見之以爲知百姓日用而不知君子之道鮮矣斯乃顯諸仁而藏諸用神无方而

易无體巍巍蕩蕩難可名焉逮乎天尊地卑君臣位列五
運相繼父子道彰震巽索而男女分咸恒設而夫婦睦人
倫之義既闡家國之教鬱興故繫辭云古者庖犧氏王天
下也始畫八卦以通神明之德以類萬物之情作結繩而
爲罔罟以佃以漁蓋取諸離庖犧氏沒神農氏作斲木爲
耜揉木爲耒耨耨之利以教天下蓋取諸益日中爲市致
天下之人聚天下之貨交易而退蓋取諸噬嗑神農氏沒
黃帝堯舜氏作通其變使人不倦神其化使人宜之剡木
爲舟剡木爲楫舟楫之利以濟不通蓋取諸渙服牛乘馬

自卜商入室親授微言傳注百家繇歷千古雖競有穿鑿
猶未測淵深唯王鄭相沿頗行于代鄭則多參天象王乃
全釋人事且易之爲道豈偏滯於天人者哉致使後學之
徒紛然淆亂各修局見莫辨源流天象遠而難尋人事近
而易習則折揚皇荅嗑然而笑方以類聚其在茲乎臣少
慕元風遊心墳籍歷觀炎漢迄今巨唐采羣賢之遺言議
三聖之幽蹟集虞翻荀爽三十餘家刊輔嗣之野文補康
成之逸象各列名義共契元宗先儒有所未詳然後輒加
添削每至章句僉例發揮俾童蒙之流一覽而悟達觀之

士得意忘言當仁既不讓於師論道豈慚於前哲至如卦
爻彖象理涉重元經注文言書之不盡別撰索隱錯綜根
萌義音兩存詳之明矣其王氏略例得失相參采葑采菲
無以下體仍附經末式廣未聞凡成一十八卷以貽同好
冀將來君子無所疑焉祕書省著作郎臣李鼎祚序

孫虔禮

虔禮字過庭富陽人高宗朝官率府錄事參軍

書譜

夫自古之善書者漢魏有鍾張之絕晉末稱二王之妙王

羲之云頃尋諸名書鍾張信爲絕倫其餘不足觀可謂鍾
張云沒而羲敬繼之又云吾書比之鍾張鍾當抗行或謂
過之張草猶當雁行然張精熟池水盡墨假令寡人耽之
若此未必謝之此乃推張邁鍾之意也攷其專擅雖未果
於前規撫以兼通故無慚於卽事評者云彼之四賢古今
特絕而今不逮古古質而今妍夫質以代興妍因俗易雖
書契之作適以記言而淳醜一遷質文三變馳騫沿革物
理常然貴能古不乖時今不同弊所謂文質彬彬然後君
子何必易雕宮於穴處反玉輅於椎輪者乎又云子敬之

不及逸少猶逸少之不及鍾張意者以爲評得其綱紀而
未詳其始卒也且元常專工於隸書百英尤精於草體彼
之二美而逸少兼之擬草則餘真比真則長草雖專工少
劣而博涉多優總其終始匪無乖互謝安素善尺牘而輕
子敬之書子敬嘗作佳書與之謂必存錄安輒題後答之
甚以爲恨安嘗問敬卿書何如右軍答云故當勝安云物
論殊不爾子敬又答時人那得知敬雖權以此辭折安所
鑒自稱勝父不亦過乎且立身揚名事資尊顯勝母之里
曾參不入以子敬之豪翰紹右軍之筆札雖復粗傳楷則

實恐未克箕裘况乃假託神仙恥崇家範以斯成學孰愈
面牆後義之往都臨行題壁子敬密拭除之輒書易其處
私爲不惡義之還見乃歎曰吾去時真大醉也敬乃內慚
是知逸少之比鍾張則專博斯別子敬之不及逸少無或
疑焉余志學之年留心翰墨味鍾張之餘烈挹義獻之前
見極慮專精時逾二紀有乖入木之術無間臨池之志觀
懸針垂露之異奔雷墜石之奇鴻飛獸駭之資鸞舞
驚之態絕岸頽峯之勢臨危據槁之形或重若崩雲或輕
如蟬翼導之則泉注頓之則山安纖纖乎似初月之出天